

CIF	Entidade local	Importe concedido
P3205000G	Montederramo	3.417,00
P3602000F	Agolada	3.497,40
P3202800C	Cortegada	2.051,84
P1509100B	Vilasantar	2.625,00
P2702500F	Xove	1.000,00
P1506100E	Oroso	3.799,10
P1508100C	Sobrado	2.362,50
P3200200H	Allariz	4.010,00
P1507400H	Ribeira	3.417,00
P1509200J	Vilarmaior	2.632,50
P1508400G	Toques	2.295,00
P3207700J	San Cristovo de Cea	4.010,00
P3204100F	Leiro	1.607,25
P1506300A	Outes	1.404,00
P1507700A	San Sadurniño	1.377,00
P3602400H	Lalín	2.600,00
P3601800J	Forcarei	3.497,40
P2704600B	Pol	1.843,65
P1506600D	Padrón	1.755,25
P3602300J	A Guarda	1.524,90
P2704200A	Paradela	1.530,00
P3604500C	Redondela	4.010,00
P3605900D	Vila de Cruces	3.115,50
P3202300D	Castrelo de Miño	1.663,03
P1509400F	Zas	3.108,80
P3206200B	Piñor	2.488,50
P3208600A	Verfín	3.216,00
P1501300F	Brión	2.523,49
P3203800B	Xunqueira de Espadanedo	1.140,00
P3600600E	Cambados	1.700,00
P1501200H	Boqueixón	3.537,60
P3209100A	Vilar de Santos	3.554,35
P1503200F	Curtis	2.040,00
P3605600J	Valga	600,00
P3601400I	Crecente	1.346,40
Total		149.608,00

## Liña 2: Prevención e tratamento integral da violencia de xénero.

CIF	Entidade local	Importe concedido
P3602500E	A Lama	4.859,98
P3206200B	Piñor	2.014,50
P2706700H	Viveiro	1.000,00
P1503700E	Ferrol	5.920,00
P1504600F	Mazaricos	3.000,00
P2704000E	Palas de Rei	5.850,00
P1508700J	Trazo	3.396,00
P1502800D	Corcubión	4.245,00
P1501300F	Brión	3.750,00
P1505800A	Noia	6.370,00
P1505700C	Negreira	6.370,00
P1500600J	Arzúa	6.370,00
P1506700B	O Pino	5.850,00
P2706500B	Vilalba	6.500,00
P1504200E	A Laracha	5.525,00
P3605300G	Soutomaior	5.599,75
P3605400E	Tomiño	6.500,00
P3600500G	Caldas de Reis	4.387,50
P6503401I	Mancomunidade da Comarca de Fisterra	6.500,00
P3602400H	Lalín	5.525,00
P1506300A	Outes	5.720,00
P1503200F	Curtis	2.040,00
P3600300B	Baiona	4.621,50
P1504300C	Lousame	3.645,00
P1500200I	Ames	6.500,00
P1507000F	Ponteume	6.032,00
P3204100F	Leiro	523,05

CIF	Entidade local	Importe concedido
P3208200J	Toén	1.419,16
P2701300B	Cervo	4.108,00
P2705100B	Ribadeo	1.258,00
P3604300H	Ponte Caldelas	6.305,00
P3203800B	Xunqueira de Espadanedo	580,00
P1503000J	A Coruña	3.723,40
P1506000G	Ordes	3.600,16
Total		149.608,00

## CONSELLERÍA DE FACENDA

*Resolución do 3 de setembro de 2010, da Dirección Xeral da Función Pública, pola que se anuncia a exposición das listaxes provisionais de axudas aprobadas e denegadas do Fondo de Acción Social do exercicio 2009 para o persoal ao servizo da Administración da Xunta de Galicia.*

De conformidade co establecido na norma 7.2 dos criterios de repartición do Fondo de Acción Social para o exercicio do ano 2009, aprobados polo Consello da Xunta de Galicia do 26 de novembro de 2009 e publicados por resolución da Dirección Xeral de Relacións Laborais do 4 de xaneiro de 2010 (DOG número 6, do 12 de xaneiro), o anuncio de exposición das listaxes provisionais de admitidos e excluídos publicarase no *Diario Oficial de Galicia*.

Dado que nas listaxes preceptivas figuran datos de carácter identificativo, de características persoais, económicos ou de saúde protexidos pola Lei orgánica 15/1995, do 13 de decembro, cuxa publicación pode lesionar o dereito constitucional á intimidade dos solicitantes ou dos causantes das axudas, cómpre realizar a publicación coas limitacións e reservas establecidas no artigo 61 da Lei 30/1992, do 26 de novembro, de réxime xurídico das administracións públicas e do procedemento administrativo común.

Para dar cumprimento ao prescrito, esta dirección xeral

### RESOLVE:

Primeiro.-Facer públicas as listaxes provisionais de axudas aprobadas e denegadas do Fondo de Acción Social do exercicio 2009 na páxina web da Dirección Xeral da Función Pública:

<http://funcionpublica.xunta.es/?q=FAS>

Para o coñecemento íntegro do acto os solicitantes deberán introducir nos espazos habilitados para o efecto o NIF e mais o código de impresión da súa solicitude.

Segundo.-Contra a resolución provisional dos expedientes os interesados poderán presentar reclamación e, de ser o caso, emendar os defectos causantes da exclusión provisional, no prazo de dez días hábiles que se contarán desde o día seguinte ao da

publicación desta resolución no *Diario Oficial de Galicia*, en calquera dos rexistros públicos, oficinas de correos e demais lugares establecidos no artigo 38 da devandita Lei 30/1992, do 26 de novembro, de réxime xurídico das administracións públicas e do procedemento administrativo común.

As reclamacións e achegas de documentos deberán dirixirse ao director xeral da Función Pública, da Consellería de Facenda, no edificio administrativo San Caetano número 1, piso 2º, 15770 Santiago de Compostela.

Santiago de Compostela, 3 de setembro de 2010.

José María Barreiro Díaz  
Director xeral da Función Pública

### **CONSELLERÍA DE MEDIO AMBIENTE, TERRITORIO E INFRAESTRUTURAS**

*Orde do 2 de setembro de 2010 pola que se modifica a Orde do 17 de marzo de 2010 pola que se determina o importe máximo das axudas que se poderán outorgar no exercicio orzamentario de 2010 ao abeiro do Plan de vivenda 2005-2008 regulado polo Real decreto 801/2005, do 1 de xullo, e polo Decreto 18/2006, do 26 de xaneiro.*

O Decreto 18/2006, do 26 de xaneiro, constitúe o marco normativo polo que se establecen as axudas públicas en materia de vivenda a cargo da Comunidade Autónoma de Galicia e se regula a xestión das previstas no Real decreto 801/2005, do 1 de xullo, para o período 2005-2008.

O seu artigo 6 establece que as axudas se atenderán da forma que será establecida mediante ordes anuais da Consellería de Vivenda e Solo.

Así mesmo, a súa disposición transitoria cuarta establece que as axudas derivadas de plans anteriores serán atendidas con cargo á mesma aplicación orzamentaria e dentro do importe máximo, consonte o determinado no citado artigo 6 para as axudas do Plan 2005-2008.

Con data do 17 de marzo de 2010 aprobouse a orde pola que se determina o importe máximo das axudas que se poderán outorgar no exercicio orzamentario de 2010 ao abeiro do Plan de vivenda 2005-2008 regulado polo Real decreto 801/2005, do 1 de xullo, e polo Decreto 18/2006, do 26 de xaneiro. Esta orde modificouse pola do 9 de xuño de 2010.

Co fin de ampliar unha das aplicacións orzamentarias reguladas, faise necesaria a aprobación desta orde.

O Decreto 79/2009, do 19 de abril, polo que se estableceu a estrutura orgánica da Xunta de Galicia, suprimiu a Consellería de Vivenda e Solo. A Consellería de Medio Ambiente, Territorio e Infraestruturas asumiu as competencias en materia de vivenda e

solo en virtude do Decreto 316/2009, do 4 de xuño, polo que se establece a súa estrutura orgánica.

Por todo o anterior, e en virtude das competencias que me confire a Lei 1/1983, do 22 de febreiro, de normas reguladoras da Xunta e da súa Presidencia, e do Decreto 316/2009, do 4 de xuño, polo que se estableceu a estrutura orgánica da Consellería de Medio Ambiente, Territorio e Infraestruturas,

#### **DISPOÑO:**

Artigo único.-Modifícase a Orde do 17 de marzo de 2010, pola que se determina o importe máximo das axudas que se poderán outorgar no exercicio orzamentario de 2010 ao abeiro do Plan de vivenda 2005-2008 regulado polo Real decreto 801/2005, do 1 de xullo, e polo Decreto 18/2006, do 26 de xaneiro, no seguinte sentido:

O punto 4 queda redactado co seguinte teor:

«Á promoción de vivendas protexidas de nova construción destinadas a aluguer e de aloxamentos protexidos e urbanización de solo por parte de empresas privadas correspóndelle a aplicación orzamentaria 07.90.451B.770.0 para a cal se fixa un importe máximo de 3.413.000 €».

#### *Disposición derradeira*

Única.- Esta orde entrará en vigor o mesmo día da súa publicación no *Diario Oficial de Galicia*.

Santiago de Compostela, 2 de setembro de 2010.

Agustín Hernández Fernández de Rojas  
Conselleiro de Medio Ambiente, Territorio  
e Infraestruturas

*Orde do 2 de setembro de 2010 pola que se convoca para o 2010 a concesión de subvencións para os promotores de vivendas protexidas destinadas a aluguer e promotores de aloxamentos protexidos acollidos ao Plan de vivenda e rehabilitación 2009-2012.*

O Decreto 402/2009, do 22 de outubro, constitúe o marco normativo polo que se establecen as axudas públicas en materia de vivenda a cargo da Comunidade Autónoma de Galicia e se regula a xestión das previstas no Real decreto 2066/2008, do 12 de decembro, para o período 2009-2012.

O seu artigo 4.2º establece que as subvencións deste decreto, con cargo a fondos finalistas do Estado xestionadas pola Comunidade Autónoma de Galicia e que figuren nos seus orzamentos xerais, así como os que se financian con fondos propios da comunidade autónoma, estarán sometidos á normativa reguladora das subvencións públicas e, en concreto, á Lei 9/2007, do 13 de xuño, de subvencións de Galicia.

Este decreto establece as bases reguladoras destas subvencións, de acordo co procedemento do artigo 19.2º da Lei 9/2007, de subvencións de Galicia.